

忠雅堂文集

忠雅堂文集卷十六

詩十六

鉛山 蔣士銓 心餘

執紼詞六章

賢吏女卞恭人賢吏子李石邨兩家祖父開國臣鑲紅旗人隸  
漢軍恭人于歸時十三淑女身曲盡婦職能儉勤夫子之學醇  
乎醇恭人歛衽再拜言一日之養不可易偕隱樂哉妾與君夫  
子咲曰我婦賢遂終其身不仕云

卞恭人仁惠性惻隱心朝開瓊瑤匳草脫鳳皇簪錦繡珠貝萬  
黃金由親及疎人獸禽恩澤所周無淺深卞恭人人共欽買絲  
繡母同穿鍼

卞恭人三鳳雛炯燭熾美且都讀書史習矢弧先後舉乙科爲  
郎爲大夫或運秬秠來東吳或專帥閫提虎符孟子奉母江東

居五十尚曳嬰兒裙百計媚母母歡娛或得美玉光明珠綺服  
珍饌貂襜褕羅列母側兒暢舒親年苦短兒心苦長孝子生孝  
子安得壽母壽無疆君不見興武衛中十萬戶廿載鴟鴞知返  
哺

卞恭人二女子適名門壻皆外兩身子然志同矢慈母心痛長  
兄憐曰歸曰歸慈母前母所欲與兄每先不冠兩弟隨兄肩幼  
者明慧百事嫻義烈之性金石堅夫病刲股夫不起母病刲股  
母弗痊兒身之肉不延年母歿兒復何戀焉孝哉此女誰其天  
張廣泗叔名張鉅

卞恭人七十六發遺占無不足含咲而逝一軍哭喪男季女身  
欲贖毀瘠形骸雙土木李大夫母有言傷身不孝爾勿譏大夫  
叩頭鳴咽語庭樹已空母何所誰憐五十八歲兒兒出兒入復

倚誰

卞恭人隱登舟送者千人坡石頭饒吹導引旌旗旂野祭之酒  
江淮流風伯使風順且乘江神伏波優以游送毋安吉歸神州  
神州觀者來塞塗榮哉卞恭人孝哉李大夫

偕袁簡齋前輩登清涼山

文字無靈粉黛空銷魂延佇石城東三春花鳥多陳迹六代江  
山兩寓公載酒船依宮樹綠踏青人愛畫樓紅秦中雒下蒼涼  
極古帝王州大抵同

讀書四首

地力讓江河天光含日星明極故有容厚極故不爭萬古常有  
餘大哉天地形星日或晦蝕江海或變更萬物才智小所以多

營營

薄者視我厚賤者視我尊出入有車馬揖讓有衣冠我忽異庸  
衆皆出 朝廷恩苟非竊科名生理焉得全報國未可期感恩  
寧可謾儻不持志節卽是欺皇天

慈母計米鹽家政老尚操既乏甘旨供復代兒孫勞壯者轉暇  
逸飽食歷昏朝親恩無已時默念心忉忉

百事雖苟求讀書可終身寸心自權量千萬古之人善惡皆我  
卽勸懲相主賓閉關謝交游先哲綢繆殷紛紜世俗言竊幸耳  
不聞庶幾寡尤悔無咎安吾親

相逢行贈徐四椒林

高冠長劒古丈夫仁者之勇君子儒道編萬卷一日過強弩十  
石雙臂舒種德家藏循吏傳闔國世守將軍符曳裾應試被勒  
帛決眦仰天堪胡盧怒投毛錐買弓箭一舉咲唾庸奴迂乘車

豈必游下澤執戟聊復官中樞聯詩每嘗協律輩罵座數侮高  
陽徒報讎白晝挺飛劍禁門刺双金吾呼狂且兔脫兔屠臨俠  
士隼逸逃置學逡巡燕市不得意一麾出挽天庾艫寒帷坐嘯  
金斗郡屯伍戌卒蠱昭蘇雅歌投壺亦餘事潑墨題徧煙嵐區  
錮銖羣史立論斷源泉萬斛瀾翻輪烏紗白帽試鯨飲盤稍角  
射相欬娛粉侯十隊唱鸚鵡花枝咲舞紅瓊瑜人生行樂貴快  
意眞氣勃發誰能拘蒼鷹摩空白鳥怨美玉抱潔羣蠅汚知君  
幸有二三子未可竊歎形骸孤文人旣類女子弱豪客又苦儉  
父甕金堅玉潤爾雙擅水柔火烈亦並驅鑿筵綺紵一贈答綺  
陌羣屐相縈紆袁公子脫略盡三雅李侯再跌宕兼八廚薨鱸  
脩脯食單列大嚼遠勝屠門趨陳平宰社可治世大才所任無  
專途可憐小用利濟手枯骨生肉無時無羨君熟翻種樹書膝

前竇萼開三株名高弟亦守劇郡宦成翁久歸田廬君今四十  
勿忼爽介直天稟生寧虛旂常他日紀家世河督孫子中山徐

董暢庵守硯圖

故家法物半拋除一硯留傳玉不如送盡子卿諸墨氏消他毛  
穎萬中書掣餅守器懷先澤識字耕田等舊畚勝似朱門遺繡  
壤巧偷豪奪易成墟

浦口二首

風景過江別拂衣塵土輕南都營重鎮北地是初程去客愁帆  
影來人愛馬聲津頭楊柳密總爲別離生  
山勢猶飛磔江防久息戈廬洲晴雪滿驢背積薪多健婦充脩  
保豪家計馬羸居然勤儉俗犁耙及春和

過守禦門

誰從障壁徹狴犴濤醫城根改舊灘獨賸盧龍師子座隔江蹲  
踞照波瀾

書宋史宰相傳後四首

國家倚重臣朝廷默培養庸人豈不多寵辱一何罔每觀至難  
事輒存易地想處我古人閒何以竭忠讜

人才各有宜用違乃蒙禍強之所不能殺之亦爲過幸哉臍可  
噬惜哉甑已破可憐生素餐不若外窮餓大夫其速退毋久中  
書坐

傷哉國將亡小人接踵生退賢進不肖此意天權衡鄙夫何足  
責應運成公卿不幸買秋幣垂老綿州行

文山來何算天地悲窮陰剖肉救伏屍自竭良醫心家國縱無  
補節義且獨任一代養士報於此見尺尋元亡不如宋恩澤分



淺深

曉發

曉聽定山鐘炊煙萬瓦濃江明朝氣爽雲薄翠微鬆  
春鋪開旁  
漁釵并領上農田家重離別騎犢老相從

六合縣旅夜

土壁一鐙昏山城早閉門民窮胥役富縣小士人尊俯首黃茅  
屋開顏老瓦盆停杯念慈母兩目別兒孫

至汴弔游桂園感作呈承政親家二首

喬木風煙舊澤存小山池館桂成邨  
遜翁已逝誰招隱羽客何  
香得返魂齋散空堂笙鶴遠  
馨傳花塢水雲昏  
握友問字傷來  
算詩法難追老輩論

入天眷屬比維摩處處房櫳藥氣多  
兒女身嬌原易病詩書境

苦亦生魔諸緣澹定根于達萬物生機得自和難乞閒身相慰  
藉伴君歡喜老巖阿

贈林氏四女秀中二首

昔別鬢髮未齊鬢雲今已着釵鉞觀書目朗如明月詠絮篇  
成滿赫蹠古事談來多磊落名山游徧解參稽劉家小妹才原  
妙硯匣詩函鎮日攜

嬌女依依借左家膝前歡咲度年華性中俠氣奇于我掌上珠  
光愛比耶智慧根深開貝葉高寒骨重近梅花他年修史能相  
助爲爾還添小絳紗

櫻桃源弔俞氏

巍巍天長軍粲粲櫻桃源六合負局翁攜家隱其間蕩子出彈  
碁兩穉娘膝前朝拈五絲繡夕抱雙雛眠北澗汶南澗夫子何

時還淫霖釀積潦地軸沈驚瀾春騰鳧鳴游巨浸魚鼈翻賢哉  
拯溺人廣操苦海船方舟迎婦去婦悲呼皇天禮嚴不雜坐沉  
摩秦越肩寧爲抱橋溺不借腰壺全待斃挾兩兒共殉投潺湲  
夫歸求遺屍百里長圩連積骸不可辨斷裾留野田矗立有貞  
松已變青青顏袂稚偶一合殯向孤雲阡孝烏渺何處三魂暗  
纏綿貞珉紀歲月辛酉乾隆年特筆書姓氏生俞嫁于袁波瀾  
力易竭櫻桃紅復然鴻鵠不可射奕秋涕漣漣

辭林氏歸白下秀中四女寄詩懷我語意懇摯答寄一章

長養深閨中蘭芽始舒萌汝未歷世緣亦未經俗情渾然太和  
氣宜作鸞鶴鳴如何義烈性常發變徵聲讀史慕游俠觀物齊  
枯榮每問忠孝言眸子光熒熒乃歎不凡兒誤綰筭與纓九齡

隨耶娘宦游來神京父執托姻亞拜我如所生  
瞳人翦秋水百尺澄潭清負汝觀牆詩抱汝翻壁經  
愛同汗血駒寶若明珠擎小別已八載喜聞身長成  
渡江唁汝耶痛哭鄰里驚收涕忽見汝令我雙眼明  
汝長及我肩玉立身亭亭鏐前叩所學語出肝膽  
傾謂女無所嗜但嗜千古名不知與不信耶言當敬聽  
我聞三太息默念欣戚并天地有正氣稟者皆錚錚  
此最不幸事願汝毋涇涇中和可受福激烈難獨醒  
順境多傳人何必悲哀縈依依待寒夜戀戀奉深觥  
達旦不知倦婢媼愁嚴更旬餘未忍別將別一再停  
汝淚承睫閒焉得攜汝行我身涉江水夢留咏絮庭  
汝身眠綺窗夢繞虎踞城使者持詩來讀之涕盈盈  
作此以爲報慎勿勞心旌冬歸期不遠當遣柴車迎  
老夫越吟卷待汝來同賡

奉太安人赴會稽登舟有作二首

春江一艇載家行  
夜雨兩枝柔艣聲  
老屋但憑僮僕守  
官程已報更人迎  
天涯芳艸褰腰合  
柳外桃花咲靨生  
底事年年持襖被  
掩書惆悵不勝情

逐逐難同子養鳥  
栖栖猶賴母將雛  
兒童路熟知官驛  
鷲身閒咲老夫琴  
枕低昂天拍水  
繡牀消遣婦隨姑  
浮家較比孤征好  
尚有離心別夢無

默念二首

賢賢求祿仕自覺  
才有餘默念古經  
綸始媿腹空虛小  
用輒自利大用將  
何如全身或僥倖  
生子多頑愚乃知  
竊位者莫避冥冥誅

我身如蟣蝨忽生  
世界中鳳麟頗出  
眾亦是毛羽蟲  
稷契輔堯

舜天地眷其躬庶司領百職賢智參愚蒙此生彼則外百州  
春風因時自榮落何必矜異同

守風燕子磯登永濟寺閱壁閒戊辰舊作槎觸移時二  
僧復出絹素乞詩三首

二十年中兩度過尋鐘又復看杪羅龕閒衲去枯禪寂壁上詩  
存逝者多興會全非波滾滾江山無恙髮髭重來已撒縣厓  
手覺岸難登奈我何

朝衫收拾宰官身咲作江湖泛宅人母老喜參觀自在佛多知  
過幾由旬鈍根漂泊迷初地香界留連是宿因行腳打包緣未  
了浮踪只隔一微塵

鐵索誰牽不繫舟顛風勸我一淹留勞生眷屬難成佛閱世心  
情暫倚樓舊句真慙少年作才名深感令君求

袁子才因壁詩訪子十  
年始知姓氏里居又十

年乃訂交自下煩師洗去東牆字說道詩人漸白頭

胥江舟次遇饒霽南前輩貽鉛山三翰林詩之一感酬  
四疊原韻並示馮蓮嶼仲子時偕北上就婚歷下也四  
首

來帆挂春雲去愁轉平樾推篷一招手檣影共兀兀喜近同心  
人萬語情算竭彈指換歲華邈若秦與越良規飲藥石厚意浹  
肌骨願守金人銘竊比文子訥誰憐涓蜀梁畏懼到彭髮君亦  
聞茲島尚鼓濟川筏慎保岐途身各凜石路滑名場爭智巧能  
者持滿發逸足方騰驥疲馬故顛蹶疋練縣吳門君眸朗如月  
抱疴辭巖廊養素憩林樾寡營亦勞勞不飲常兀兀致身學永  
充事母力難竭索居聞過少軌步謹踰越言瞻神禹陵咲捫防  
風骨眼豁萬象殊耳聾羣籟訥運鏡知筋骸攬鏡驗毛髮居貧

歟六日泛宅憑一筏腐儒粗糲餐具滌澣滑每念天地恩清  
淚不敢發卽爲溝中斷已勝轅下蹶頗愧杜陵翁瀟酒送日月  
廿年柱史門弱植托高樾先生宿艸長靜山公子孤熊兀崇公  
名德垂歐母心力竭諸喪得返魯八口始歸越手營千金產懷  
抱兩駿骨獨閉風雪門林鳥任喧訥兒讀焚後書母理截餘髮  
經師孟拜官學海仲登後蘭橈一邂逅春波碧油滑同爲孤露  
子相對感明發美哉陳平姿勿慮霜蹄蹶且持干霄筆點黛畫  
新月

館娃不可見釵鈿委榛樾美人已黃土蘇臺空笑兀芳香有時  
盡蜂蝶采未竭施嬌豈擇地俗論豔吳越粉黛飾塵容金繡裏  
凡骨孰啓師曠聰八音辨譟訥誰開離婁明萬態鑒豪髮太史  
耽閒情每縱愛河筏煙鬟滿明鏡尚買膏沐滑東君轉青旂百



卉應時發情田怯耦耕意馬慮中嘶吳娘唱瀟瀟扁舟好風月  
饒將納吳姬故製之

### 雷門吟

餘姚有餘霖四十老一衿謁我哉山麓涕出悲不任謂公具手  
筆乞爲雷門吟亡兄名余震雷門乃其字霖生托遺腹母老欲  
拋棄兄嫂奪血胞兄怙嫂則恃母亡兄六齡九齡兄授經魯鈍  
不可狀兄獨嘉其靈兩姊及笄嫁一一飛脊令霖愚復多病二  
十奄奄形病則奪書笈痊則還鐙檠欲繼先子業恐傷子季情  
迴憶七齡時兄子同病瘍戒嫂善視叔叔安兒可殤日夕嫂抱  
持兄子擲於牀我哢嫂則泣我咲兄則歡三十授弟室旋入膠  
庠閒看我衣上綫嫂淚存斑斑檢我箚中書手澤兄黃丹兄嫂  
六十歿合葬上林邨南山宋家嶼有我兄嫂墳兄以貧廢學醫

藥活千人活者慟兄歾皆欲贖其身霖困蓬蒿中懼掩兄嫂賢  
椎心泣血詞願公采斯言我爲一一書孝義可云止愧彼尺布  
謠用以資國史

虎邱

虎氣出空山秦人不敢橫壯哉歾闔閭能走生羸政鐵花開不  
了愁泉流畢竟劍中小妓魂合受野鬼聘巖居酒肉集磴級釵  
鈿競吁嗟荒淫地是爲風俗病誰解吳王愁山靈有邪正

懷人詩十二首

湘南薊北人尸祝袁青天儀曹宰相才長揖歸田園山中太和  
氣散見三百篇

袁叔論守定

巖巖張編修去爲滇粵令民懼上官怒剛介本天性一點不能

歸斯人何究竟

張惕庵戲陶

馳馭捧飛檄十年辭一璫豪傑得施爲焉知蜀道難牛刀割雞

用懷哉龐士元

徐勣石文弼

留侯若處子二十去爲吏臥理第六籍悠悠古人意誰采幽蘭

花蹉跎荆楚地

陶揆五金譜

幼孤抱遺經鄉舉乃第一十載對大廷西川學巖邑彈琴山水

間俗吏盡其匹

陳時若奉茲

漢廷用通儒風流侍御史高文典冊手時復調宮徵綠窗按紅

牙佳人啟玉齒

紀元稹復亨

五十上春官遂佐宗伯曹雞栖馬如狗自感匏齋匏夫君以窮

外誰復矜才高

戴光林文鉉

公子官翰林刻苦過寒峻本身若圭璧凜然忠與信生兒萬事

足傳家有戈印

彭六一冠

飲酒讀異書閉關絕紛擾四十掌絲綸中書未爲老獨處抱天

游修身以爲寶

蔡惺谷題

散金三十萬求者無不足敢盜官庫錢竟成墨吏獄薄命哀彼  
姝可有曹公贖

周守鏡題

一第用畸人論文乃千古獨擁廣文壇真氣滿堂戶九原誰可

作欲起陳同甫

江椒田遺新

讀書三萬卷栽花一千樹誰知錢唐人卻買倉山佳文字見經

綸壯心時一露

袁子才校

### 天鏡樓家宴

十二闌干俯碧城珮環聲是步虛聲仙人眷屬樓居好禹會河  
山眼界平遠翠都分睂黛色朝雲時傍鏡臺生壽觴舉處慈顏  
悅今圓金家宴上晴

晚望郡城鐙火

市火船鐙閃亂螢，暮雲拖墨夜冥冥。  
卻疑身在層霄上，俯視人間有列星。

夜半

濕霧涼煙盡日浮，半城疎雨似新秋。  
濃陰自潑三升墨，薄暮常披五月裘。  
地底笙歌通夕沸，橋南鐙火到明收。  
山人夜半猶憑眺，未願將身領越州。

生氣

天心本至仁，隕霜亦其候。  
落木具歛理，不能強之壽。  
生氣滿松竹，永爲冰雪容。  
百卉慕榮華，托根何弗厚。

言述子挽詩

言述子厥名然子游七十二世孫，十世已居山陰間。  
親早亡，兄

嗜酒遺我弟田五畝兒女將嫁百無有賣田買匭出弟手賢哉  
述子孝且友康熙之年歲在癸巳詔求言氏襲博士然爲大宗  
當拜斯職述子陳狀伏闕而泣臣偃墓在虞山臣未居守臣生  
厚顏乞援衢州孔氏讓封例請以是職俾臣弟德堅臣歸鑑湖  
曲奉祠終餘年 詔如所請天下誦之公卿大夫咸美以詩言  
述子大布衣再游長安陳詩祝釐賜金歸來卒于先祠卒年七  
十二得正而斃嗚呼言述子是爲文學裔

天鏡樓銷夏雜詩十四首

傑構俯羣象高居無四鄰窗櫺終日啟雲物六時新寺竹過牆  
短檐花落硯勻名山容暫住只愧讀書身

疎槐交晚翠老樹立冬青落子香浮砌飄花雪滿庭多年相倚  
藉羣木共安寧未覺遮風日吾方曬六經

雄堞抱山斜通城千萬家檐開橋路直響雜市聲譁細細炊煙  
裊層層霧樹遮僧樓落闌底鐘磬散林雅

雞犬白雲邊城隅地自偏掩關塵事遠卷幔翠微連小住成通  
隱幽栖亦靜緣談經八散後常是枕書眠

桀竹何年斬堂東立小亭濤飛偁嶺雪樹壓烏門青地迴堪延  
佇觀空出性靈城低盤疊帶漁火上遙汀

三山若兄弟天柱位當中南鎮神猶赫秦皇望已窮越臺開郡  
古禹廟隔谿紅坐對成朝夕因之百慮空

鶴鼓雷沈響神皋鳥罷耘荒唐王會遠蒼丘靈圖分兀兀先生  
感纍纍後歿墳種蠶皆寂寥何況右將軍

廢虛留宿雨風濕聚林煙水氣遙通市河聲欲上船居人愁米  
價長吏祝豐年江海誰傾瀉蛟龍亦有權

山深朝氣厚人定鳥聲和澹澹風光轉駸駸節序過添衣防暮  
靄斷飲謝微疴永夜留虛白樓高受月多

雞雛爭蟻穴蟲羽避蛛絲物理如何見微生各有知花香留客  
處夜氣中人時每到澄懷後將心一再思

禾黍隨田沒魚鰕入市多積陰真可慮苦雨欲如何隴畝屯青  
艸郊原卷白波誰操汜舟役貸粟問監河

十日無家客中年未死身誰吹獨孤笛自飲會稽醇會祿恩難  
報傳經學未真莊生齊物後不敢怨清貧

優游鑑湖長

任處泉太守

刻苦石帆翁

劉豹君明經

出處人皆老悲愉境不同

西園螢照宇快閣酒臨風與我成三友寧論達與窮

萬里滇南路王師尚遠征貔貅方迅掃螻蟻敢橫行竊願移

風雨遙爲洗甲兵天威開霽處共仰日光明



蔡中郎

竹老柯亭鳳不來  
笛材收取伴琴材  
交情只有曹瞞重  
知己難爲董卓哀  
蠶室誰寬子長歎  
權門終累馬融才  
孝娥碑在緹縈遠  
忍聽胡笳塞上回

赤堇山

允常鑄五劒  
薛燭一再顧  
湛盧走堪吳  
條胸魚腸飛入闕  
閭墓歐冶風胡亂  
世人鍛鍊五金助  
不仁大賢落手變  
耒耜循吏挂腰成  
犢駢句踐英雄允  
常子更鑄八龍晉  
霸矣伍員總拜屬  
鏤恩文種俄餐縣  
剪刈君不見楚國  
太阿晉干將後先  
尚力同滅亡秦望  
埋金久化土越女  
術盡猿公藏我聞  
莊生三劒兩無敵  
不用突鬚蓬頭相  
技擊會稽霸氣黯  
如灰何貴區區堇  
山錫

卽事

澹澹山容若母閒稜稜石骨似兒髯風來竹有頽唐態雨過花  
含窈窕顏物理相尋書卷外人家都落酒杯間瘦妻薄鬢妝梳  
懶不共煙螺比髻鬟

一樓

一樓二十四窗櫺終日全家對畫屏萬象態從初起見諸天聲  
在上頭聽花開雞樹情將語雲轉羣峰勢欲扇暮氣平收朝氣  
出依然排比佛頭青

歐雷山副將畫像歌

須眉颯爽風雲起身是仙人歐冶子霸陵不識故將軍夾漈爭  
呼老居士將軍十九身從戎雙手齊開兩石弓雄心夜拓沈沙  
戟猛氣朝馳汗血驄毘舍那洋開赤嵌橫海樓船飛羽箭香旌  
傳鹿耳門轉鯤身綫將軍拜爵左先鋒殺賊曾推第

功龍頑無聲鳴母外姓名勒石臺灣東專城列戟牙旗展開  
越營門自移轉獅鎧榮披上將衣油幢遠挂東甌篆鋒火全銷  
息戰塵投壺日醉太平春老兵忽作探丸盜諸將偕爲賜珎人  
角巾一旦歸田里沽酒騎驢經二紀山中每伴赤松游橋上誰  
尋黃石履髀肉潛生氣不衰陰符親授兩男兒孟公久註翹關  
籍仲氏頻褰繡梁帷七十老翁誇豐饒形容未寫麒麟閣一丈  
霜縑九尺身封侯骨相輪褒鄂五十年前壯士顏丹青老面畫  
圖間百回把酒行軍令幾度挑鐙看箭瘢滇南此日貍狐往不  
知誰縛降王長王師豈必待廉頗名將由來多李廣仙翁壽骨  
健兒身仍是當年介冑臣紅衣不把青溪釣世上英雄信有真

寄答孫壺園觀察

三十法曹郎翩翹相門子七閩富杭稻住督欽哉爾華堂聚簪

秘法部調官徵繼繼同心人各抱離憂始八騶夾雙旌酒行君  
乃起諸賢改官秩先後辭燕市飄風轉驚蓬吾亦還鄉里聲名  
君四達踪跡吾三徙奉母櫛越州講學羅多士誰卷扶風帳自  
憑南郭几千峰相揖讓萬象互行止腐哉老學究定力一生外  
兀兀思羣公洋洋下雙鯉君書結纏綿我意含悲喜上言老親  
健中言宦情美下言故人踈念我飢寒只織文雙蒙茸裘衣錯  
金綺爲遺母被服輕暖徹肌髓又言登武夷遙矚鵬湖鄙懷人  
四十言真意傾醇醅惜無偕游詩欲語他年俟吾鄉去崇安地  
接天尺咫名山未承足妙境常入耳老彭兩男兒周末共居此  
第十六洞天靈域闢奇詭積鐵開芙蓉斧劈直到底穿貫九曲  
珠包孕萬源水水剗山復連山東水逾駛離合分動靜向背作  
蒼紫安閒變猛怪聳笑開迤迤或端整秀倩或破碎崩毀或仙

翔俯坐或鳥驚獸跪或衣冠簪笏或旗幟壁壘或鐵索引援或  
綫棧緣蟻僧負戴以梯樵荷擔而履既纍纍巾箱且丁丁屐齒  
中縣一絲喘外見二分趾觀者魄沮喪防者神逸弛又聞采茶  
人處處山樓倚靈苗發旗槍香散諸天裊敢以質游者所聞抑  
非是君張宴幔亭仙漿泛瑤區尚憶蓬蒿人脈脈存俯視我游  
會稽山求書人宛委蘭亭長荆榛禹廟栖孤雉酬君百無有乞  
醯吾亦恥昨聞朝天節冒暑將北指東華故舊多逝者算追矣  
願持廉鎮幢來作臨安使報書陳肺肝庶幾謝知己

哭汪魚亭訓導

夢尸方得官吉水下凶聞一醜歷三月畢此窮薄運螺川俗儉  
陋弟子出寒峻哭寢來幾人誰實任君殯諸郎插玉笏苞篋猶  
未褫薄祿了升斗瘠土無尺寸母老弟復貧何以發歸觀君本

民畸人豐年獨飢僅飄搖三十載狼戾友朋眼每當寢門哀慟  
欲以身殉至情感同類古誼益相親苦吟心幾瘁使酒氣一振  
才名達千里鬱鬱抱孤憤春雨滋萬卉莫轉枯夢潤樂哉文字  
飲喜極必加慍同儔互疑駭各怨語言峻知君我最深嘲謔解  
瑕釁苦心輒蒙忽咄咄施亦僅豈忘酒德頌借洩飢腸恨破屋  
納風雨賓至飭廚餽賢妻具雞黍銀釵每辭鬢深觥畧酬酢雄  
辨疎揖遜主醉拍案哭客嘔踰牆遞潦倒塵坱中莫解蓬蒿悶  
五十膺師儒百逆歸一順忽爲官所腐奚被溝壑殣吾儕乏恒  
產生理若朝薜況竊雕蟲名未舛美先盡身在傲軒冕身歿慚  
負販憑誰托孤寡欲飛不能奮九原見楊屋執手有同忿痛君  
還自傷吾身亦終困

梅梁化龍歌

補材飛入禹王殿化作龍身與龍戰梁塵洗滌現鱗甲尚若樹  
花開片片此龍栖息彼龍逃鐵絙制縛拘神蛟老樹焉能更飛  
去禹力久伏蛇龍驕新宮落成奉黃屋不是隨山所刊木杙栝  
荆人罷輦馱松雲堯棟同森肅禹卑宮室戒雕牆古廟聊存俎  
豆香邱山底用萬牛負玉帛不見祠官襄會稽禹穴誰能考舜  
葬蒼梧皆杳渺羣龍拜舞百靈集風雨空堂爲除埽梁木飛去  
龍氣存鱗甲遠化孤山春江潮忽挾寺鐘響涇河來會錢塘君  
宛委山金簡玉書歌

符讖紛紛千百種衰世邪言特繁冗妄傳禹會拜瓊函不但周  
書開汲冢元冥失職當堯時蒼水使者彼爲誰六經焚後雜小  
說商周占夢皆可疑下流始竟終迄雍遂錫元圭通賦貢江河  
歸海乃入越事後求書何所用傷心莫救羽山誅幹蠱忍聽黃

能誣寃委神人亦何物敢向大禹稱吾徒吁嗟乎馬身龜背燕  
文字聖人取象通其意朝廷掩耳造天書祥瑞從來等兒戲

### 默數

江氣夜浮空外白蟬聲熱弄靜中喧高名身後誰千古同輩年  
來半九原花塢雲閒翔野鶴蕩塘香穩睡文鴛披衣起受清涼  
意默數飛螢過短垣

### 雷門鼓歌

千里洛陽聞越鼓吳王宮中自歌舞隆隆欲擊蛇門蛇統統疑  
驚虎邱虎尊天事鬼九術先雷鼓事神聲淵淵白鵠入鼓誰得  
見卻指雙翎飛上天孫恩太是妖人子內史提兵役神鬼海氛  
撲面絮因風天壤王郎辭婦歟敗鼓之皮一朝裂巫祝所施何  
足說乃知無敵恃仁人禳厭雖奇終必滅句踐六世國乃除霹



麤園響東城隅五雲縹緲樵樓寂布鼓經過樂有餘

豹君題兒子知廉詩本一律作此代謝

鸚鵡學語莎雞鳴八音亂奏無中聲雛雅忽向鳳凰舞野馬輒  
對麒麟行詩壇叟據師子座人天方丈憐衆生居然手撫阿難  
頂含咲爲說楞嚴經風雷欲助箭成竹山川竟望翠生驛乃翁  
塗抹婢羈醜學母畫眉難娉婷叟嗜螺蛤亦奇癖下箸狼藉忘  
其腥仙人指爪我屢乞背癢不懼王方平聖人刪詩愛雜取側  
耳儒子歌濯纓五十六顆珠光明長者手賜何其榮兒曹後日  
誇聲價及見前賢拜典型

鑑湖笛會圖

紫衣中央坐李謩白頭末席生獨孤十主延賓作高會澹月輕  
航來鏡湖新裁煙竹李丹製謩也吹之矜絕技獨孤側耳悄無

言聽者生嫌吹者悲請君再奏涼州行十三疊雜龜茲聲暮也  
愧拜一座驚獨孤選竹衆耳傾暮持丹笛求屬和叟曰不堪吹  
入破從容改正西番音竹裂一聲天欲墮明朝去訪獨孤家丈  
人已去柴門斜神龍見首不見尾大智如愚敢自諄

登臥龍山望海亭

俯瞰越王宮孤亭倚太空江雷聲裂地海雪氣吞虹水國山能  
鎮龍居臥獨中難尋文種墓枯骨滿蒿蓬

沈魯堂太守避暑商氏別業予適病瘧戲柬

沈侯不能瘦當暑苦蒸溽守令二十年偈仄存老屋有奴具廚  
饌無地營水竹卻借岸上舟枕簟過三伏臥臨百畝潭坐袒十  
圍腹每邀澹蕩人共享清涼福我居屹相望招手隔溪曲海風  
吹神山語咲相斷續言約十日飲去吸千頃綠如何病寒熱遽

爲瘡鬼辱限同事尅期來比客不速冥冥玉琢齒睽睽電搖目  
盪身簸粃糠挾纈屢衾褥少焉變袒裸欲就冰雪沃拭汗交二  
巾飲水盡三斛兩境卽漸滅百體逡巡復可憐維摩室獨寢遠  
眷屬我無關中蠚誰擲子章憫致疾或有因勿藥當代鞠陰陽  
貴和平偏勝忌染觸臣罪自知之補救猶可贖堆餉藎藟  
佐餐澹粥寧嫌近周妻且莫噉何肉吾儕禱食指霍爾效遙祝

題豹君詠史小樂府後

三千三百年中事歸此四百八十字探喉山聲滿天地斷獄平  
反眞老吏誅心復見良史才大海作眼時一開乾坤萬古無終  
極後世憑誰尚論來

督漕楊尚書夫人挽詩四首

母生禮義門是爲君子耦三命拜纓封晚號尚書婦夫千古醇

儒帶經起田畝母簪鳴機鐙端坐讀書牖修齊切交勉平治別  
先後鏘然珩璜聲琴瑟得其友緬昔賢媛行于母無不有臣妻  
本地道藏物徵坤厚

尚書起郎官敷歷及中外持節蒞封疆內政維母賴諭翟居華  
堂荆布忘尊貴蠶繅供衣服諸婦不敢懈布惠無親疎萬物感  
其愛肅雝著家庭善氣蒸和泰依然梁孟儔白首咲相對

五歲便謁公二十出公門坐我諸郎間仰承色咲溫玉堂祿養  
薄我母依晨昏尚書督漕運歲一瞻

至尊仙查眷屬從聚晤同欣欣母聞我母來握髮禮意殷出迎  
咲執手葛帔大練褰豈無一品服澹泊性所存紛紜貴人妻  
晤貽珥所云名臣古家法富貴真浮雲

泛家過清淮舉室登北堂夫人酌吾母一飲盡十觴星霜忽五

易嬀嬀徒相望驚聞步虛游鶴駕空中翔我母北向泣我婦然  
辦香我哭母或聞緘淚瑤池旁生榮歿則哀考終亦何傷所嗟  
白太傅老爲梧桐愴達情齊外生眠食祈若常大椿八千歲爲  
國珍棟梁

七夕戲作二首

星辰繫於天厥名誰與創賢者智及之未必皆有當義和人臣  
耳豈陟蒼冥上天官五行書一一懸測量眞宰主默運風雨何  
跌宕陋哉騶衍徒刺刺語多妄

明河有燕閒微雲舒澹澹如何位星辰亦有情欲感漢唐尚扈  
言淑論無不敢古聖所弗談調辭與理撼小人鮮忌憚吾欲挾  
其膽所以孔孟書未肯托元覽

寄懷梁山舟

同書

侍講五首

百鳥儀明廷君獨黃鵠舉豈無阿閣樓自返丹山羽當時鴻雁  
羣游言散洲渚栖栖稍梁謀遠念拂天侶物理難強齊不關出  
與處托命本自殊焉能同日語

早遺軒冕榮澹泊明夙志退身萬卷中蕭然香案吏或禮菩薩  
幢或檢參同契文閉彌勒龕朝服華陽餌豈云樂空虛藉悅清  
淨意仙佛不必有浮生共游戲

托迹母乃疎緘情未能剖室邇人則遐懷哉君子友判袂衰經  
閒契闊亦云久君握智慧珠離欲本无垢我愁如落葉斷續不  
可帶虛舟從飄風每懼失其守纏綿寄斯言知君性情厚

勞生日擾擾不入靜者懷同稟巖壑姿焉得與俗諧經營究何  
益只與至道乖遺安事厚積所嗜不可排默默觀萬物嗒然忘  
形骸同心兩明鏡勉相磨揩

秋來未云悲春去未云惜抱此不動心端居倚竹石君已捐百  
好尚有臨池癖放筆題湖山妙墨留真跡傳聞衫裏閒狼藉麝  
煤液相望隔江水我住永師宅待覓刑道人爲君指今昔

商飆二首

商飆起青萍綠波動寒色盤空一鼓盪羣木各懷惻修竹挺勁  
姿不免枝葉側苟非金石器無以持定力山堂徙扉牖茅屋存  
窳突一埽殘暑空萬物相屏息

雷聲破空落拔我屋旁樹疑我山中樓吹入不知處自起敲石  
火几榻尚如故秋蚊隱薄帷求食弗知懼晨興看南山靜坐未  
移步隨風苟動搖城郭焉得固物大不可行舉足實無路超海  
挾岱宗飛廉力難副

秋懷二首

蟋蟀何所知瑣瑣訴深夜誰捫愁人耳兀坐寒鐙下少婦理霜砧老女猶未嫁感秋心則同歎逝悲難罷春生夏育權至此皆徂謝隣翁臥相語明日條禾稼

縛帚埽林葉蕭蕭入清聽卷書對南山百念於此定慮遠事方過思多物無應遙城下孤羽深翠度寒磬靜中聞見多強懷或能勝

### 沈氏園弔放翁

於不宜妻斯出耳人倫恨事無過此孝子長懷琴瑟悲離妻不抱靡蕪外腸斷春游沈氏園一回登眺一悽然綠波難駐驚鴻影壞壁空留古麝煙四十年中心骨痛白頭苦作鴛鴦夢故劍猶思鏡裏鸞新墳已葬釵頭鳳暮年清淚向誰收香炷蒲團縷縷愁無多亭榭頻更主半外梧桐尚感秋廣漢姜郎寧悔錯琵琶



瑟莫唱風波惡紅酥垂手酒猶溫柳絮過牆情已薄國恥填胸  
恨未平憂時戀主可憐生詩人豈似朱翁子孝子忠臣定有情

吼山紀游五首

泛艇出雷門沿流乃東指轟轟繞門山斜俯皋部市疊嶂立集  
鐵萬鑿下齒齒篙師偶絕叫響答出其裏從橫斧劈痕屏幢裂  
條理萬牛負邱山千艘運壁壘一郡所悉索山骨不留髓巨靈  
無完膚混沌溘然歿石榔一崩壓五丁爛成鬼存者崖傾欲陷  
者潭澄泚遙知百年後亭榭資流峙

卅里入吼山竹樹何修修人家桃花源雞犬依羊牛洞門欹側  
開中有三楹樓峭壁豁天罅下覆蛟龍湫冰壺隱巖壑僧舍停  
虛舟坐此水精域酌我白玉甌樵夫踞崖顛投石擊浮漚福嶺  
時一驚欲出懼罟鉤迴眺戈矛攢拍肩天際頭云是旱石洞何

不探其幽

反出護生寺越陌導而南叢碧隱細路清磬穿風嵐言尋煙蘿  
洞本是空明庵方塘蔽葭荷古屋栖瞿曇三五優婆尼是女非  
兒男埽葉炊伊蒲言語多愚憨亦是陶氏壑關此維摩龕乳竇  
墜陰厓一滴曹谿涵洗眼清有餘浸足冷未堪默默煨茶去妙  
理無人談

洞右石叢叢離立如天人如佛如金剛如將軍應真一袒一合  
掌一冠一戴盆一側腦一偕一跛倚欠伸破碎不可狀虎豹紛  
難馴椎鑿所偶赦遂有迹象存危哉繞門山此是前車翻愚公  
苟能徙庶可逃鴻鈞

迴篙溯狂渚斜曦澹將夕效彼消搖游泛我清虛宅取徑詣崇  
阿陵廟存禹跡狐狸戲殿陰蝙蝠穿檐隙危亭覆輪囷云是夏

時石吾聞不封樹附會誰與闢求深則已鑿妄聽斯爲適日維  
七月望宛泛黃州壁全家一扁舟遶勝裁眉客秋光皓魄吐  
色涼燼積歸臥甃山樓餘夢浸寒碧

豹君不相晤者月餘念我致形夜夢明晨入山歡然道  
故作此謝之

秋熱懼出戶各伏萬卷中形骸雖不親賴有精神通叟云相思  
苦入夢欣來逢安得黑甜鄉輒聚離散蹤握手感至情共寫契  
闊胸因想造我形或鑄一切容此身落幻泡不歎眞氣充如蒸  
黍浮浮如島雲蒙蒙聚之作魂魄暝則隨飄風寸心所固結萬  
物不可融我無釣天思豈至華胥宮磁枕穴蟻閉了悟諸象空  
因叟守吾夢有夢當與從覺亦非眞覺一咲聽晨鐘

院桃再花兒子知賺作秋桃詞和之二首

竹外重開一兩枝花神何事與秋期風霜影裏誇顏色也是人生晚達時

更與劉郎現後身曾隨紅雨作芳塵天公節候難定敢笑當時薄命人

宿西興二首

故人相約翦秋燈畫舫烏篷碧水澄今夜山中慈母夢定隨游子到西興

羅剎潮聲過耳空驛門船火夜深紅明朝去載杭州酒先上吳山望浙東

忠雅堂文集卷十六

思雅堂文集卷十七

詩十七

鉛山 蔣士銓 心餘

杭州郡齋假山傳是坡公所遺偶來登眺有作三首  
移將夢裏仇池石掇取壺中九華山結構渾忘天匠巧高寒真  
露使君顏皴痕妙啟元人法薜印濃堆宋代斑得意毋煩論鉅  
細但能容足便躋攀

居然遠岫列窗中致出高人便不同墨沼潄泓雲影散窪尊開  
豁酒痕空欲驅嶴嶼鞭無力待竊陂陀爽莫籠名宦因而寄鄉  
思戔戔橫在筆牀東

沈香雪浪咏燕虛經始難徵考訂餘有美記成當未構志林編  
次竟忘書歸袞肯累愚公負官物何關白鶴居賴有松根細連  
絡巧偷豪奪思應除

書倪文正竹石畫卷後

君子立身同竹石每與風霜爭氣力猗猗獨挺寒瘦姿磊磊常  
矜嚴冷色倪公貞介立朝右石骨錚稜竹竿直心愛大壺踞釣  
衡目瞬此璫如鬼魅彤廷未燬三朝典講幄空陳十六策竹頭  
不屈石難轉司農之笏豈勝擊偶然縱筆寫橫卷勁氣稜稜穿  
諸壘廣平鐵石貫梅花坡老槎牙浮雪壁忠臣風骨義士節隨  
處淋漓收不得思公遺像那可見展卷似瞻公坐立

潘巖亭別駕招游三江觀應宿開宴飲竟日入城夜半  
矣明日作詩寄謝

兩山中斷開危峽內江外海蛟龍狎海飛江立山腳破鞭石橫  
空立飛閘長三十丈閘二丈閘板雙層中貫插二十八洞排水  
門各有星官司歆飲海如盜賊凜凜垣江若虎兕欣出柙百川

東去難撼搖萬嶺西來敢傾壓天神列鎮肅旌旗水將鐵甲潮頭逆上見崩摧江尾順趨隨管押當年人力豈能到太守默傳神禹法連椿入地奠千秋積潦浮天消一霎三城雪卷水安瀾萬頃春迴人荷插閒看網戶稅魚鰕罷問月蛟掌鰲鳴湯公俎豆自不祧應請蕭公分饗給我擎勁楫劃玻璃不異清游泛茗雪人家斷續冠畦町岸樹彎環互寬狹漁郎水嬉篙技擊別駕鐙筵酒盟畝糟浮子鯨舌尖糝密釘霜柑爪痕摺藏闌戰揖各分曹算馬度壺同用筴嘉賓側弁主猶醒君子欠伸僅且乏欹斜揖別雁翔汀偃仄登舟劒歸匣匣卽柳字後來謂水分作兩叶今從之迴帆自發小海唱冷月生寒透巾帽

夢中贈人

有引

夢一叟星冠鶴氅兩侍者雲鬟珠珮自稱華陽公子是西嶽神



人長子出碧色牋三尺曰小閣新成索詩題壁乃書八句而覺異哉

觀物曾於太極先星冠霞帔致飄然掌中文字爲公子石上蒼苔記歲年馴鶴繞身堪作馬滄溟到眼屢成田雲牕六扇天香滿開徧峰頭十丈蓮

病中生日感作二首

忽忽行年四十三病眠身似半僵蠶此生窮困由天授後日功名厭客談肌肉全銷山露骨因緣已澈佛同龕

君親恩重無從答不死微軀只自慚

一樓霜氣擁重衾多謝門生取次臨說孝談忠猶耿耿傷離感逝自沈沈艱難久絕資身計劃隱空存未死心盡典春衣投藥肆却憐甘旨不勝任

守鏡詞掉宜亭

秋月不可守破鏡飛上天傷哉兩青鸞先後歸雲煙鏡存納衆影一一光華全隱隱匣內出朗朗堂中縣好醜悉包容魑魅伏其閒屢照明亦疲浮塵翳中邊一朝墮地裂誰能使之圓當時借鑑者不復揩磨先繫以五雜組暗慘同泥氣寶氣蝕土花埋向誰何田昔逢鏡機子丁寧守容鮮如何隔三歲千里聞棄捐鏡具遠募齋鏡神涕漣漣徒爲守鏡詞用抵招魂篇

鍾進士獵虎夜歸圖

鍾馗食鬼常苦飢心厭鬼瘦貪虎肥虎能充庖鬼色喜奮勇去合南山圍衆鬼猙獰搏一虎進士能文鬼能武欣然按劍騎馬歸鬼卒後先分隊伍神燈挂入梅花枝一鬼前導雙手持主人攬轡三鬼隨分荷杖笠巾卷扇笏相纍纍一鬼負弩何盱眙三

鷹一犬四鬼司鷹閒犬逸徒爾爲執挺之鬼竚以嘻一鬼鳴鉦  
壯鬼膽五鬼揚威誇勇敢張弧舉槩弄刀斧十目視虎防虎噉  
鬼雄勒虎殿厥最虎力鬼力相進退虎嘯一聲鬼向背黑月無  
光向西墜我聞畫鬼易尙畫虎難鍾馗狀貌誰曾看將軍善射  
無俟骨不若閻羅死姓韓

童二樹

畫梅詩

童君畫梅千萬樹自寫槎桲老蒼句花開古雪未消時香入空  
山不知處梅花開落天地中出土那識春與冬羲和制歷造歲  
月始覺萬卉難爲同著花結實偶然爾頌之惜之皆可鄙孤芳  
或受雨露生羣豔空隨雪霜死童君能詩方九齡寺壁一掃太  
守驚腕中天授黥艸法用以寫梅奇骨樸我不識君見君畫每  
對梅花身下拜行根竊懼地輪斜放榦眞愁天宇隘想君畫

身作梅十指屈鐵梅苞胎驅魂附筆夢怒發使氣入墨枝駢開  
圖花破蕊等飛白人與梅花鬪標格神慳鬼吝一青衿去作諸  
侯老賓客

游蘭亭六首

維永和癸丑至乾隆丁亥歷千四百年更十有四載嘉平越四  
日詩人機舂待招我游蘭亭晨光弄寒彩主賓集簪裾童穉雜  
鴈齒輕橈出西郭重席布中壘樂觀山水深竊懼風物改沿緣  
入南溪柔艣相襖靄當時修禊人去我今安在

汜汜十五里轉轉山陰道繫纜婁公埠煙火帶漁釣復籃雜蹙  
銜相載入幽奧逶迤陂陀閒往復得深造俛挹流觴水古礪彎  
環抱縛竹爲長簪銜尾出嵯巖種蘭俗已易栖畝有餘稻蘭亭  
本郵舍無屋領其要緬維嘉靖初太守始移造講堂絕絃誦別

聖供游眺谿傍列坐儔當年可曾到

晉無修禊亭宋立天章寺寺前古書院卽此蘭亭地道側欹石  
梁百步見幽闕入門疊嵯峨西折轉坡峙廣庭鑿深池填委石  
鱗次云是古曲水作者用其意中央拱虛堂厥右小亭峙堂左  
屋不多花木留御氣堂後亭圍圍中有龍蛇字

聖祖

神孫書寫碑昂最屬宸翰見家法幾獻豈能至

西北一古屋是爲右軍祠儼然晉衣冠秀彩存須循生平名宦  
業議論青編垂懷忠不蒙用執死徒相推偶捉鼠須筆感慨來  
係之那須穿鑿徒波磔相信疑誓墓避藍田輕詆悔莫迫可憐  
功名地夷險惟自知後人賞禊帖眞蹟何所資祓除等兒戲百  
端交集時

峻嶺依崇山茂林閒修竹茫茫成古今風景猶在目青尊天章  
寺籬落轉喬木僧宇殊狹隘倉廩富黍穀乃知古剎煥寺額仍  
舊屬冬青不可見鐵甌空埋六羣峰立城郭樹隙下寒旭小樓  
廢經藏貝葉誰能讀

攬挹興忽盡返我谿上角主人觴嘉賓放棹迴中流還睇蘭渚  
山晚翠空濛浮邈然千歲閒何止萬人游游者遞泯沒有作誰  
見收沿襲山水辭弁陋何足尤從來名勝區後至難與儔

自題散珮偕老圖

有序

乾隆丁亥之年清客居士四十有三安人張氏四十有一奉太  
安人棲于會稽葢山天鏡樓偶屬王生寫夫婦小像爲散珮偕  
老圖題詩曰

我年二十一君年始十九親迎南昌郡太歲乙加丑仲冬朔三

日于歸爲我婦簪著曳練褰貧苦樂相守我生鮮兄弟以君作  
昆友君離兩親膝舅父姑則母習勞出天性豈但奉箕帚三月  
我出游侍養爾無負明年入庠序鄉舉旋弋取凡茲兩載中我  
從使星後時得老親書譽婦不啻口雨雪登公車涕泗漚襟肘  
南宮報罷歸哭父鮮血嘔事母號泣閒況瘁相左右服闋遷洪  
州芝山重回首目著僭計吏再戰再北走三年入中書悽惻望  
南斗引假翩然還歸傷別離久顧我背生兒三歲解呼某與屋  
咏北征赴闕挾雞狗豈知川陸塗災厄靡不受水火間盜賊飲  
痛荆棘蔽出入死生際神鬼互踐蹂我窮呼昊天君曰是非苟  
省愆以修身勿負彼蒼厚艱難請京師南園困曾指闕歲撥上  
第珥筆拜魯叟備官文章列得侍  
唐虞后豈有華國才只益伐檀咎蕭條室縣磬獲難魚貫柳貧

深疾苦萃命蹇艱危糾母衰園旨甘朋來只齋韭憫君有四雛  
一一躬乳穀飛蓬遠珠翠集蓼依井白草報堯舜恩日歸梁孟  
偶退飛幸得告宿食苦無有江湖轉虛舟鄉里乏南畝浮家吳  
越疆終遜冀缺耦四十朱顏凋相對嗟老醜迴思廿三載艱辛  
亂絲縈君抱惻隱心結習頗同狃我揮千黃金君意無可否脫  
鉤救飢溺大勇過賁黜匱罄虛明璫箱空覆敝笥苦者得安樂  
心緒方解紐紛紜貴人妻絃服相導誘君匿不與謀謂讓戒疵  
垢但云寒峻室未解珮瓊玖我讀古人書目炬穿破牖君恨不  
識字其聰過矇瞍語君忠孝事清淚滴尊酒默然長太息感觸  
一何陡隱意雖未陳似傷骨易朽侍者舉相問一咲罷分割君  
思棄巾幘我愧膺組綬每谷敬養薄但益顏色忸三男漸齊肩  
來歲且姑舅茫然終老計生理向誰扣行將去齊魯都邑鄰費



廊老屋難安居初服頻抖擻夜夢共憂勞奚救冥歷西境窮魚  
上竹情篤絲在藕寫形托丹青述志布蚪蚪偕老尚如賓白頭  
隨母壽

頤晉人悅咲圖

國人見虎驚若狂馮婦之勇如下莊車中善士復攘臂失信於  
虎虎葬避山君負嵎電目瞪睨粗白挺募敢攫山林莽蒼兩凶  
鬪轉瞬不知誰死生鄉人竊懼入虎口婦稱勇皇執刀帶腐儒  
晉語倭高談昔日騶虞見郊藪君不見老婦哀號泰山側孔子  
驅車行不得賢人爲收虎渡河猛士無由施氣力搏虎救衆勇  
且仁壯夫不隨人咲聲吁嗟乎羊舌氏有豺狼聲周犬難齧和  
彌明

立春前一日喜雪八首

失卻窗南數朶青  
繞樓新放水晶屏  
始知身在混茫裏  
人海中間一點萍

瓊瑤世界本來寬  
難得全家此處看  
萬瓦參差現鱗甲  
女牆低護白銀盤

叢簷未肯折腰肢  
難免風前鬢若絲  
如對當時杜陵叟  
白頭吟望苦低垂

晴過三冬萬戶嗟  
明年豆麥可生芽  
龍公忽展迎春手  
怕放來朝五出花

極望彤雲接塞陰  
飛甍定慰

九重心  
豐年雪滿黃河北  
應賀遺蝗入地深

滕六眞慚氣力偏  
漫誇祥瑞酒尊前  
關心萬姓無衣者  
安得求佗化作綿

遮莫同傾餞臘杯半酣身比玉山頽來朝春氣銷寒色還我千巖萬壑來

景物山陰擅六時兩年消受畫中詩明冬去看華不注白玉搔頭放一枝

酬胡學山

柳橋丈人隱君子八十能書劈窠字筆端氣力迴萬牛鐵臂伸縮爲剛柔不知是松還是石支離磊砢從空擲參差鶴鹿各眠坐顛倒蛟龍互驅策我識丈人廿載前丈人六十我少年扁舟對榻擁衾話浩氣直壓匡廬顛唐公上客獨推嬰忘勢尊賢容諍友可憐珠履慕金多誰及深衣能墨守抱琴孤坐爐水亭七條瘦玉聲泠泠潯陽九派出手指風雨不動魚龍聽通侯封事爭傳寫半出牀頭捉刀者經綸不入名宦傳詩酒還歸耆舊社

我今四十叟八旬齒髮如昔視聽均壯夫忽抱垂死病老友竟  
騁飛騰身十里登山何矯捷看我尫羸悲久別親調丹鼎藥三  
升手進仙人蒲九節丈人古義今所無太乙不用青藜扶放翁  
久入關羽盡洪厓數上屏風圖潑墨贈我書幾幅夜半光芒穿  
老屋那須道德五千言願與先生守兩谷

雨閒人圖爲宗芥帆童二樹作二首

中夜忽欲起不眠同此心涼月定人影細風傳石林堂前通夕  
宴屋底萬家砧念慮空如水懷哉兩客吟  
靜者有宗生能閒思故清兩人方落落萬物苦營營我亦山中  
客徒深世外情書堂好風月誰與畫分明

將赴山左李中丞之招留別鍾介伯秀才

交情如探尋始至意猶淺漸深覺兩忘欲去不能返君攜艇脯

來請業能屈勉衆音或雷同清響輒自顯心許席上珍品異溝  
中斷延爲孺子師三雛羽毛短君歛摩天翼習飛相急緩大者  
解翩翹小者戒墜獲二百餘日開已覺異豚犬始樂效純袴近  
頗安濯潯始愛睚紛華近且循樸簡乃知養正功範物各就限  
君家戢山前十步豈云遠有親倚門間昏定念難遣我生鮮兄  
弟負母逐蓬轉遠游吾所傷莫歸爾何報況君抱至性衰經期  
未滿君年未三十定力持侃侃豈無當俗操義利克區辨先路  
敢云導立腳期勿蹇聽我尚論言亦具三眼忠孝出肺肝涕  
泗溢巾卷君云守詩書制行世燕饌夜集興壯懷何意歷天譴  
是皆身外物消長爲聚散有者我本無奪之理亦坦然安樂難醉  
夢死亡或難免蕩滌其疵瑕白璧潔逾善我欲挾君去汗漫歷  
東寬豈無四方志戀母心算反別君吾遲遲送我汨潛潛我子

君弟子對泣廢餐飯壯夫禁離聲一咲亂愁窮天有扶搖風地  
有吹律琯願君整健翮雲海力橫展小別期未長良會約常踐  
我母方跋涉君母但歡宴嗟我浮家人關河傷足爾

將之山左留別莪山講院同學兼謝同好鄉先生二首

老友忘年特地親酒籌詩板共昏晨欣從洛社揮談麈愧比周  
郎說飲醇脈脈相關絃外意惺惺爭惜病餘身風前一斗臨岐  
淚酒向江湖作恨人

百尺樓居八口偕頽唐身偕亂書埋越多君子交情重路入山  
陰畫意佳雲物相於成繾綣風花易散重咨嗟無心引得虛舟  
去不道吾生信有涯

書宗芥帆詩本後

才如溟渤闊情與滄江深遣意珠房貫行蟻使筆春氣來空林

奇都破膽險鉢腎快立解鬱哀酸心少年如是老何若造極盡  
變誰能尋海外休悲寶意死替人繼起君其任薦之廟堂作雅  
頌庶幾變爾商聲吟才人自古不盡達吾爲子懼籌升沈

童墨林秀才攜畫梅相訪不值書以奉酬五首

偶乘籃筇探春光底事歸來鼻觀香尋到龍山花不見那知疎  
影壓書堂

寫梅人定似梅清修到寒芳合幾生誰道新交不如故一枝相  
贈倍多情

平生愛畫史憐才未見幽人卻見梅料想黃樓吹笛夜羽衣曾  
伴鶴飛來

君歸自彭越故云

東風纔到暗香知不似年年春信遲二樹飄零鳳閣死讓君管  
領向南枝

圖畫雞犬一青簾香滿歸航玉幾叢怪道詩人似冰雪兩童君  
畫在月中

先是芥帆以二樹畫梅兒時

戊子元旦既起復寐夢登海山作

戊子

天雞喚吾起海色上屏風一碧渺無際曉光浮太空其雷喧爆  
竹有客號咷啖指人閒世滄波流向東

去越州五首

依依會稽人去去山陰道改歲已七日具月豈云蚤西郊列祖  
帳冠蓋雜輿阜離觴咽流波顏色未能好岐亭柳始芽倏忽變  
枯槁別語寧不多所言嗟州州

諸生步涯涘鷗鷺狎相接霑襟濕青袍一一淚承睫嗟予結中  
腸抑情聊制歷揮手謝故人速發戒停楫誰知脈脈心欲渡不  
能涉



悽悽水澄翁

翁

垂老別益苦踈躋十里餘再拜無一語子弟六

七人號泣相夾輔驪駒更送歌別酒四三舉如何芳艸情復作

春蠶吐丁寧食與眠康哉吾與汝

行期敢相給離況庶幾免同心數賢人

杜處泉陳紫亭兩太子酒筵所學士沈月波秀才金友鶴進士怪

我意何淺別時竊自幸別後殊難遣快閣宴未央柔腸綠波轉

迴首浙東雲春風不能卷

我方掉頭去月忽銜尾來推篷喚吾母戢戢筭與釵白髮古仙人從以姬姜儕泣然執母裾各道分離懷老淚輒盈把紫戀焉能偕但期天鏡樓夢裏相往回分帆去惻惻此意男女皆遙觀

目送者漸反參差厓

欲去不得去

歸襄入江船欲去不得去豈有石尤風十日津頭住中丞托姻

正念我親年算遠涉傷子心臨淵請迴步雖成越絕書未許齊  
人傳遂開崇文院彬彬集儒素銜書西湖長風光可全據庶幾  
娛母心衰頹得長駐援止卽止之煩滋食言懼敬謝東諸侯卻  
聘倘蒙恕行藏我何知委之天與數

歐陽蘭畦

永興

以浙東遷粵東方伯志別八首

巖巖桂林伯待我逾交親不謂昌黎友我及見其人歐陽出廬  
陵介直存公身起家文章彥發軔遊西秦數歷守令中所學皆  
施陳子弟依父兄都忘官與民間公何能爾公曰行吾真

持節巡大梁露冕鎮於越敬事積勞勩心力未辭竭黠者咲寒  
儉巧者厭迂闊公抱耿耿心流俗不能奪所到吏役貧所過黎  
庶活賢臣國根本培養托藩臬公存讀書眼視事期如月

下僚事上官竭力無不爲麾幢一臨蒞僕隸持恩威公游郡邑

關肅肅清風吹勸警令與牧舊習期改移從者惡能廉有術無  
所施竊羨他人奴各各腰纏歸

積習難驟移慨然具封事請禁吏走趨庶以一心志君子性坦  
率俗物騁妍媸豈無動色戒所樂有同異安得磊落人若官成  
一致

栖栖寒峻子亦有文字能披沙揀金屑一一加尺繩士氣乃一  
振奉教歌同升誰非田間來貴賤焉可憑章句進取技佳妙不  
足矜願得經世才爲國充負興與公托同調萬類知勸懲

公子習詩禮翩翩取科第清門天所眷種德非一世家風守儒  
素練葛分裳帔可憐驟貴者綺縠羅珠翠官秩偶然耳但益後  
來累朝廷相楊綰黎幹減車騎當時杜黃裳富厚且蒙議公真  
毛玠儔豪侈或當避

嶺南公鄰國俗與嶺石殊洋舶集奇貨蕩侈奢淫俱教養還樸  
淳是在君子儒察吏民乃安姑息蔓難圖爲政務大本墮屑何  
足誅公手持經綸入告多嘉諍政成鯁遷徙合浦還明珠  
我讀古人書用世存夙願拜恩館閣中自効燕山見文章愧剽  
襲貧病積憂患養病臥江湖奉母乏珍膳苟且充學究澳涖出  
顏面諄諄講志節聽者亦多倦安得從公游日披循吏傳

天台萬年藤杖歌謝陳象臣夢說觀察

仙官來往天台裏父老趨迎男婦喜居民捧輿度窄粵絳節桃  
花相迤邐老藤蟠屈寒蛟僵萬古甲子不可量始爲繞指柔漸  
成百鍊剛脫身未肯附松栢定性久已忘冰霜歛肉入皮筋入  
骨混沌花葉皆收藏山鬼驚看避神物飛仙偶踏響石梁不知  
歲月冉冉過但覺年命迢迢長仙官游金庭碧林瑤艸香不覓

胡麻飯不搗朱藥筐長揖天姥云吾友有母壽且康願乞此籐  
作印杖庶幾筋力如籐強天姥顧之咲美哉公意厚益臧神人  
斤斧乃一舉截籐九尺直以方仙官拜賜去洞天閭寂山蒼茫  
攜籐歸遺小人母堂北老親開咲口仙人之貽我則有敢不拜  
嘉同稽首童孫代杖可釋肩看雲數雁籐周旋擲空算化老龍  
去倚壁不擾慈烏眠老安少懷見公志忠信作杖扶危顛公身  
挺勁比籐健野狐敢近天龍禪此籐托根本福地由公歸我數  
則然摩挲後世見手澤母壽願與籐齊年

獨泛西湖詠古偶作四首

著眼銷金一寸鍋峰巒橫黛水橫波  
時六井經時變花柳雙堤闕世多名宦  
風流遺醉夢新才瀟灑拓山河  
恩恩結葢中原局拋卻湖船上過

天賜湖山習晏安羣姦接踵據朝端貪夫柄國危亡定名將成  
功晚季難立節全忠惟自了荒祠廢芻怕尋看排戈未許迴斜  
日敗局勞他儘力彈

韓園葛嶺跡相承如彼君臣說中興誰念銅仙辭北闕但憐蘇  
小葬西陵極天戎馬將軍帳徹夜笙歌宰相鐙只有孤臣銜淚  
去芝山亭下恨填膈

荷香桂子唱新詞立馬圖傳塞上知勝地鶯花招飲日游人燕  
雀處堂時興亡已過春如舊哀樂無端酒不辭一樣南朝歌舞  
地只堪游冶算尋思

### 孤山

歐蘇歎美慙勤師方外留連我不知卻怪林逋入山淺梅花開  
蚤鶴歸遲

湖上雜詠四首

一語能捐使宅魚詩人游戲歲星如可憐後日求花石只有諸臣侍起居

四時爭泛總宜船酒氣花香帝業偏誰寫清明上河本洛陽風景浙江天

宋嫂魚羹李嫂羊御廚疊進至尊嘗三宮麥飯何人獻聽說樊樓亦夕陽

馬塍開遍殿春花龍井初嘗穀雨茶白傅蘓公都不見兩隄煙柳對欹斜

玉泉觀魚

三竺歸籃興一徑轉而右靈泉古昔豁小寺後來有方塘繞水闌寬廣不盈畝中積百頭魚元黃各奇耦放生乃全生老此遁

逃藪雖然遠鉤餌樂飢物所否游人投糗食腹暗相奪取濟南  
有清園池沼亦清瀏金鱗二尺餘年齒實多壽龍頭鷄目儔什  
伯效羣友我觴池南亭太歲居癸酉於物爲波瀾輝彩燦杯酒  
觀海難爲水對此不能久一咲我非魚莊生寓言九

還嚴山作

六十七日歸舊巢同人延佇占於郊楚弓倏忽返江漢趙璧乃  
竟離爾崢嶸波迴合聚斷梗修綆束縛縈縣匏羅浮偶爾離風  
雨并翦豈得分漆膠由來人事本天數益信分定關神交溪喧  
花安境雨異渴好獺趁兼鶯捎興臺父老咲相慰豈但故舊連  
茹茅山樓洒掃布几榻牆屋塗堊開漏庖檻前岩壑出古翠檐  
角花木含新苞諸生春服恰被體絃誦依舊來堂坳臨歧悔洒  
一斗淚破涕作咲嗟申包小兒簸弄若傀儡腐儒饕餮眞斗符



延師寬與置基等殆不可復妨詎嘲鑑湖倘許賜臣老杭州雖  
好吾能拋

續演雅戲效山谷用筠軒韻

誰號兔耳誰馬磨寒蟲得過聊且過麟拘蟻現判機祥猶咲虎  
隄分勇懦海蜃或解造樓閣水豹焉能任箕箒內蛇出闕外蛇  
入一犬吠聲百犬和負塗自得豕相嬉犁畝不勝牛卒瘡黃羊  
祀竈充神庖白鼠聽經參佛座跳梁但恐鼯廝踴織絹每防龍  
脊課驪貪美睡珠客伺龜解前知桑鬼唾瘦豺祭獸獫食母老  
鰥不眠鼯喜臥黑衣呢泣懼鞭縛長耳嘶鳴愁負馱獬多觸邪  
魑魅伏蠱屬通文蝟蜎賀流雲望成蛛網阻皎月頻窺蚌胎破  
獅兒覓乳苦北擊海母目鰈勞費佐可憐蜚蜚借肢體不若猩  
猩耽翹糯能醫蜥蜴本仁術祛瘡尖罔亦奇貨鹿茸熊掌怨烹

割犀角象牙遭折挫狼狽借行夔足跛江豚叩首冀駝坐貂能  
相煖反蒙害爾不受污常被泥騰操五技慧終小狐竊三禪才  
應人射影舍沙或云巧垂雲徒海真無那靜觀物理究如何都  
入離騷俱具些

朱生翰泉二十初度詩以勗之二首

栖栖風雨覆巢餘來與山公共起居垂髮已當多難後加冠纔  
到敬名初眷閒黃氣隨年轉杯裏弦弓逐病除惡夢頻醒燕長  
物篋中留得未焚書

每對名駒憶故人書鎗琴榻記情親驚心波浪腸應斷轉眼煙  
雲跡又陳兒輩肩隨尋世講山堂弦誦是前因起衰何以勝憂  
患二十年華劫後身

養正齋種竹

堂西讀書舍各啓南北牖北窗逼陂陀南窗面牆陡讀倦一欠  
伸放眼百燕有酥雨滴清和爽氣潤林藪移竹四十竿植向齋  
前後欹斜相參差疎密互奇耦短檐入新綠苔蘚覺深厚斜日  
避几席微風助吟吼遙知炎威減暑力除十九直躬不可屈虛  
中乃能受堂堂證人社要此君子友我凭天鏡樓俯挹翠盈手  
何期圭箭屋布列堦雲帚明年筍戢戢粉籜照尊酒但願後來  
人毋等伐薪樵

李二郎

堯棟

詩

背誦六經如瀉水下筆春蠶食桑紙驂驅之駒走千里無人不  
道佳公子學使心折冠一軍歎息兒子徒紛紛瞳人翦水玉作  
身立鶴矯矯燕雛羣父領三山二千石直氣當官挺松栢外甥  
似舅古所云謂某時  
平中丞廷對彤墀還第一襴衫四尺稱體長馬上

爭看李二郎紫禁誰呼小太白明年身惹御爐香

送范蘄州

家相守 柳州三首

西曹清望比溫舒裏裏猶存尚德書名宦豈同遷客去詩人宜  
向柳州好繼承

天語官非謫拜領冰銜古不如宣布朝廷恩德意陽春從此

遍耕耨

崑崙關外夜燈紅要使邊人識范公百粵河山歸掌上太平兵  
甲貯胷中間閭揖讓蠻荒習詩禮威儀教化同題徧羅池觴咏  
地使君餘墨照紗籠

詩繡弓衣到處歌紅牙誰唱定風波天連魏闕迴瞻遠地入龍  
城按部過官樹陰籠柑柚古奇峯青列劒鋌多鬱金香酒相思  
夢無那當時故舊何

樓空

白靄若江橫羣峯隔水生樓空收月氣林迴出秋聲子夜人孤  
坐雙橋火獨明霜天好寥闊辛苦雁南征

更闌

滿樓鐙火透窗明刀尺聲連誦讀聲三世妝臺無嬾婦一家人  
影盡書生儒門習慣能安業史事談多各動情忽掩更闌數行  
淚卷簾偷向朔風傾

顯文信國遺像

遺世獨立公之容大節不奪公之忠天已厭宋猶生公一代正  
氣持其終小人紛紛作丞輔公不見用且歌舞朝廷相公國已  
亡六尺之孤是何主出入萬死身提戈天意不屬當奈何十載  
幽囚就柴市毅魄且欲收山河節義文章皆可考狀元宰相如

公少山中誰救六陵移地下真慚一身了亂亡無補心可憐天  
以臣節煩公肩不然狗彘艸間活借口順運謀身全俎豆忠貞  
遂公志嶺上梅花公再世鄉人誰復繼前賢一拜須看一流涕

九思圖

平岡一師堂堂馳一師坐地返顧之兩師對滾戲一兒一兒旁  
覷母乳嬉最小一師立而窺兩師渴飲泉流漸喜尾怒齒張其  
威巖壑動搖相盱眙百獸之王人得持或貢康居或條支肉視  
犀象孩熊羆鋸牙鉤爪百獸糜勁氣柔毳羣鬼披畫中驅瘧血  
淋漓何況林邑衝羌夷永興賦筆看山詩形容刻畫誰得知師  
乎莫漫矜雄奇狼山尙有林中狸神勇善養安不危君子圖之  
當九思

遊吼山分得東字三首

養花天漾麥苗風畫舫幽尋主客同魚國路通皋埠外犬亭青  
在繞門東綠波人影羣鷗亂翠壁雷聲萬斧空一樣酒龍詩虎  
會只爭紅裊凭烏篷

細細笙歌短短篷攜家上翁見遺風棟花邨塢清明過秧稻時  
光暖氣融鏡湧樓臺雙洞啓天垂雲樹一潭空坐來長晝堪移  
屣還到煙蘿古寺東

舳船一櫂夕陽紅到處江山喜醉翁收艤偕行穿彼岸側身直  
下瞰幽宮裂開地軸雷霆轉鑿斷雲根陸海空晚入雷門咲相  
別扇橋西畔水澄東

飛來山登應天塔遂謁朱文懿公祠

東武誰見飛來時歷人入地人不知鰣井錫痕指靈異蕭舍造  
塔來何遲沙門之說本荒忽賡有浮圖櫟笑兀越王游臺今已

無想見君臣覽雲物城南秦望山獨尊列岫相倚如兒孫江湖  
西騰海北陷東接兩郡煙雲屯倒身下瞰十萬戶街巷河梁基  
局布城中曠土綠漫漫滿地頽棺無葬處相公祠宇山之陽侍  
講切引花石綱全君骨肉正國體妖人何惜誅生光罷稅撫蠻  
天下寔遺疏猶能比尸諫摩厓手寫小琅邪後世前身皆不見  
越有天地有此山曰龜曰怪山無言相公不逐許詢返客影下  
散斜陽閒忽有天風送人語大善待塔鈴相爾汝我欲攜山更  
飛去

弔祁忠敏公

二十官人作司李飢卒譁然見公止三吳亂賊一手禽江左屏  
藩祁御史直道不行飄然歸叢山拜侍劉公帷再起再去時事  
非國亡忍食西山薇西洋港中念臺死徑往雲門擊妻子別廟



文成絕命詩咲曰人生一世矣角巾端坐淺水中得正而斃舍咲容誰死江湖死廊廟同年尙有倪鴻寶

天鏡樓午夜起坐二首

風細樹微醒月高山正眠樓開千里白塔倚半城煙一客夜深起衆聲空外傳添衣坐通夕清味此時偏  
夢境有同異舛駒十萬家晨鐘聲未起夜氣渺無涯  
理九霄垂露華憑虛念身世斗畔感匏瓜

醉歌

前有千古後有萬年數十寒暑中我忽生其間前身後世不可識人物鳥獸蟲沙草木然不然識字數不過萬讀書卷不及千十載竊科第出入館閣承

主恩所識盡窮乏所栖燕一廛鬱鬱貧病奉母去覲顏教授居

名山道神牽我作傀儡山靈借我爲雲煙倚樓兀然坐終日千  
巖萬壑百變陰晴天聖賢可學學者少紛紛墨守經生言相習  
俳優之文亦富貴所以古語嗟才難朝聞富人買田宅莫聞官  
人購亭園飲食歌舞待鐘漏汲汲厚積遺子孫將軍死難士死  
綏

至尊得肝爲籌邊忠臣孝子出至性舉以責備難具論葵藿托  
生太陽下弱艸向日心猶存鳥欲扶搖羽翼薄木思裁削枝節  
拳數十寒暑中我忽生其閒弱水之羽滄海粟何不化去供蟻  
鷺飲酒一斗亦既醉以夢代死誰周旋

樓外

樓外羣山皆不去愛與詩翁朝夕聚有時掩面雲霧中任我低  
迷燕覓處睡醒嵐翠偎枕面新綠入窗霑我衫終年相對益纏

卷半日不見如飢饉屋廬疎密樹深淺城郭周遭田近遠風光  
四序樓五楹母子六人書萬卷酒杯一桁排闥于全家小飲浮  
雲端風吹咲語落街市下界仰矚元都壇戒珠寺後萬竹竿繞  
我樓半翔青鸞詩翁老醜怕人見卻被山靈細細看

竹活

移竹養正齋舊葉盡黃脫背云非其時栽植同翦割我過無術  
補對之惟惻怛淹忽閱兩旬一一傍檐活笋芽抽嫩鞭筠粉長  
新籜生機未遽戕死氣不敢奪土力本未潤根脈遂如渴疎雨  
夜滴瀝滋溉乃旁達偃者漸昭蘇鬱者漸開豁如魚困圍圉少  
定去潑刺天地所不矧華美孰能遏培雲與千霄百尺起豪末  
明年陰叢叢勿懼風假拔斷梢而待醉俗論從可抹貪天以爲  
功榮悴我其幹

三山歎

種山列郡署叢山橫講堂塔山植浮圖鼎峙而相望其陽標勝  
區其陰開北邙棺匊疊魚鱗哀此漏澤岡上焉無松楸下焉無  
白楊半供蠅犬餐牛有藥埋藏泚額猶古風習見恒若忘彼惑  
堪興言微福求渺茫棄親不食地厥後焉得昌華屋較荒邱多  
寡誰得量世無墓大夫族葬禮久亡守牧寧禁令骼齒埋掩當  
我無萬閒厦又無千頃場欲招飢餒魂共宅亡何鄉入夜鬼成  
市啾啾哭星光停我讀書聲作詩代悲傷

苦熱三首

殷雷作雨勢輒爲風所持陰凝陽在外滂沛無由施雲氣飄揚  
升但騁峰巒奇卑濕蘊蒸溽寥廓焉得知願假萬仞翮挾纈游  
天池

忠雅堂文集卷十七  
施者常無窮火日光在外受者隨各得金水光在內其理夫如  
何我意不能會敲石與磨鏡五行職相代至哉造化能亦復弄  
狡獪

東隣哭三犧西隣方禴祭祲祥不可知愚者用其意笙歌聚熱  
客中夜恒不寐星鐙遞明暗螢火分去至默然待雞鳴微哉平  
旦氣